

華亭縣志序

曩自陽湖調任華亭下車之始問所謂縣志則前明正德間孫大宗伯編纂後未有起而修之者二百餘載以來疆域有分合戶口有增減田賦有重輕建置有興廢水利有通塞與夫海塘兵防鹽筴之所設施職官選舉人物之所

序一

紀載莫為之志非守土者之責與欣逢我

皇上欽定四庫全書博蒐志乘以備采擇部臣檄下有司通行直省修志之舉於今誠為亟惟是江左分縣若蘇常鎮太皆止了分為二而華亭自元迄今以次析而為七區別未精則失之混淆搜羅

未通則失之罣漏是故修志難修華
亭志則更難先是郡憲蔡泉馮公
集七屬薦紳議修府志公是諸公以
華亭無志狎雜彙纂慙於是奮然
思所自効而謀之邑人士亦莫不踊躍樂
從遂於庚戌首夏與贊府春崖何公
酌定章程禮聘掌科王文國先生

序二

偕邑中留心掌故諸君子授簡分輯
迺闢局未幾春崖攝篆江都情亦奉
咨入

覲尋蒙

聖恩擢授今職從此分符南北兼顧不遑然
客途旅次未嘗不神往局中相與樂觀其
成也今秋甫抵東省掌科千里寓書後

函伸紙知 馮公亦調守吳郡得今 太守
寧圃李公區畫周詳商榷簡當將次付梓
徵叙厥事情愔方以不克成終為憲茲得
附名簡末弥滋媿矣刻既竣竚待郵我
一編以慰始願肯

乾隆五十六年歲次辛亥孟冬

賜進士出身山東平度州知州前江蘇華亭

序三

縣知縣楚灤程明愔序



華亭縣志序

親民之官莫如知縣循名責實謂能
知一縣之事也然縣苟無志事奚由
知則志之所闕大矣庚戌冬瀛以碭
山攝金山縣篆晤署華亭朴園李公
言及前令毅園程公毅然以修志為

序

一

已任屢畫事宜延聘王掌科文園
先生開局於正學方公初蒐討排纂
美哉始基之矣未幾毅園入

覲瀛於今秋承乏茲土而書已適成經

郡憲寧圃李公鑒定屬付剞劂瀛受
而閱之志壤地之交錯生聚之日繁

雖遞分為七仍稱雄縣而知我
朝定鼎以來

聖聖相承重熙累洽以休養乎斯民也官斯
土者益宜有以拊循之志賦稅之昔
重而今輕庠序之昔荒而今振而知
我

序

二

國家賜復蠲租開科廣額以加惠乎士
農也官斯土者益宜有以富教之志
海塘之堅固築法之精詳而知我

世宗憲皇帝不惜億萬金錢委任巨卿成茲
偉績俾瀕海之民不至淪於魚鼈也
官斯土者益宜有以保護之至於志

水利而知橫塘豎浦挑濬之須勤志
鹽法而知煮海熬波通商之有術志
名宦而知前事為後事之師志人物
而知人傑乃地靈之效展卷瞭然洵
知是縣者之龜鑑也夫斯志也藪園
則經始之朴園則繼續之而濂獨得

序

三

觀其成也誠厚幸矣是為序

乾隆五十六年歲次辛亥仲冬知華

亭縣事遂安鄭濂書



余自河南陝州牧奉

天子命擢守雲間下車三日如謀
度庶政已得梗概惟是民
風土俗及百餘年來三故
實散佚莫攷蓋志乘之失

脩久矣余用是集七邑縉
紳以續舊志曰首邑華
亭自明孫文簡一書後
從未纂輯於時蒞園程
令請先脩縣志禮聘名宿

設局分編誠盛舉也未幾
程令入


覲京師余恐是志之不克有終
乃屬楫是邑者加之經理
尋余亦調任姑晉不遑盡

願於余以府志既未及倡
始而縣志又未獲觀成為
耿耿也茲茲書成付梓斯
志也簡明質實固不負良

有司之美意要惟後之守

是郡典宰是邑者咸興
有力焉余得而披讀之
俾余曩者謬脩郡志之
始願亦藉是少慰故為
之序

江蘇蘄州府知府前知松
江府事長樂馮鼎高撰



華亭縣志序

已酉冬邑宰孝感程侯倡修縣志屬
顯曾
總其事自揣賦性戇直恐得罪

鄉黨固辭程侯固請前太守長樂馮
公復諄諄誣諉廼勉應之時王條山
王瑤峯鍾康廬翁石瓠爲分纂沈古
心沈銀槎錢谷香沈安貞爲董事庚
戌夏程侯有入

觀之行亟爲開局及侯去董事置身局外
不復惠來辛亥春署縣中江李侯又
以經費不敷辭却條山康廬而同事
者僅寥寥二三人矣鄙見華亭舊壤

既劃去六邑則所纂故實不容走入
他邑甲裏於是文已成而復刪稿將
脫而重改體例稍峻物議譁然賴今
太守滄州李公一力維持俾得蕝事
又賴遂安鄭侯塾俸開雕始能裝釘
成帙

顯曾

首沿革以紀分合之由次

山水以見古今之別瑤峯則敘疆域
而兵防物產附焉疆域已定營造聿
興而瀕海之隄防宜固建置海塘次
之此亦顯曾所譏海患旣弭海利乃
收朝潮夕汐旱潦有備水土平而農
事起衣食足而文教興鹽法水利田

賦學校次之文物之邦

萃華重蒞誠盛典也至於名賢託蹟仙佛留
踪亦足爲地方生色宮室次之此皆
瑤峯所輯教養之事厥惟民牧職官
次之顯曾舉其概石瓠爲之傳髦士
之烝不離耘耔選舉次之石瓠備其

名顯曾核其實漸摩之久蔚爲地靈
人物又次之顯曾傳名臣忠孝隱逸

流寓與石瓠共傳懿行文苑瑤峯傳
貞節藝術石瓠傳方外瑤峯志石刻

顯曾志藝文又與石瓠共志兵燹祥
異而以瑤峯所志軼事終焉若夫參

校之責則陸君若璿一人獨任之是
役也 顯曾 在局一十五月成志一十
六卷

乾隆五十六年除夕日

賜進士出身禮科給事中王顯曾撰



四

華亭志誌邑事也華亭爲松附郭邑志所誌者郡志盡
矣而復志此者遵制也正德庚辰冬十月有命徵天下
郡邑志爲制無得相附籍而華亭故以附郡無志江右
某君豹以名進士來宰茲邑視篆甫二月聞命祇懼則
首以今郡守汝南孔侯輔命來詢予予適治在北上無
以詞也乃屬邑庠弟子員沈君錫金君廷桂沈君東洎
儒士顧君曦三閱月告成凡若干卷予得而讀之大率
卽郡志錄其事之係邑者而近事則頗續入耳然倫從
類合甚便檢閱亦無害其獨爲華亭志也君於是欲得

華亭縣志

原序

予敘其首不可復辭則告於君曰志之爲體重矣昔者
成周之制職方所司外史所掌詳且備矣兩漢亦有可
稽元唐宋輿地圖經三年或閏年一修上之輿地圖經
固亦志也夫其屢修屢上者豈特爲具文哉郡志修且
八年矣茲非其時歟夫華亭固天下壯邑也而瀕歲薦
饑民困滋甚嗚呼前之郡志秉筆君子固已隱憂而是
嘆矣而况今日哉以一邑概天下可悉也聖朝欲知生
民休戚則志之徵也而豈徒歟休養煦澤以施因時之
政將必於是賴而且有所責成矣且邑附郡則在郡猶
在邑也然爲志且不得相附籍而况於治謂容有可諉

耶承上德意以施因時之政非聶君之責而誰責君其
勉夫聖朝且將據是以驗君他日之治績也已君以予
言爲然俾遂錄以爲敘

正德辛巳春二月望日

賜進士出身翰林院編修邑人孫承恩撰

華亭縣志纂輯銜名

主修

特簡松江府知府調任蘇州府知府馮鼎高

特調松江府知府李廷敬

承修

華亭縣知縣陞授山東平度州知州程明悰

華亭縣管糧縣丞陞授崇明縣知縣何啓秀

長洲縣縣丞署華亭縣知縣李先瓚

特調華亭縣知縣鄭濂

纂修

華亭縣志

纂輯銜名

邑

人王顯曾

王鼎

王嘉璧

鍾晉

翁春

參校

邑

人陸明睿

王象曾

錢東煦

采訪

邑

人張婁

吳鈞

袁燭

張應時

楊祥止

收掌

邑

人王舒華

繕錄

邑

人奚書屏

沈長康

華亭縣志

纂輯銜名

二

鍾善長

王念勤

繪圖

邑

人吳鞏

董事

邑

人沈虞揚

沈達

錢丕祖

沈忠

經承